

NTŠHA SA MAFAHLENG A GAGO

TALETŠO GO SETŠHABA GORE SE KGATHE TEMA SAMITING YA PALAMENTE YA DIKGARURU TŠA GO AMANA LE DIGONGWANE

Komiti ya Phothefolio ya Maphodisa e laletša metse yeo e amegago, badudi, batšwasehlabele ba bosenyi, mekgatlo ya setšhaba, dihlengwa tša sedumedi, mekgatlo ya baswa, banyakišiši, mekgatlo ya setšhaba, dikgweba, le batšeakarolo ka moka bao ba nago le kgahlego gore ba kgathe tema Samiting ya Palamente ya Dikgaruru tša go Amana le Digongwane, yeo e lego karolo ya Dinyakišišo tša Palamente tša Dikgaruru tša go Amana le Digongwane.

Samiti e tla fa setšhaba le batho bao ba amegago sebaka se bohlokwa sa gore ba rerišane thwii le Palamente ka tlhago, tlhologo, seabe gammogo le ditlamorago tša dikgaruru tša go amana le digongwane le ditiro tša bosenyi bja seboka. Komiti e tloga e hlohleletša setšhaba le batho ka bonoši bao maphelong a bona ba itemogetšego dikgaruru tša digongwane gore ba kgathe tema le go abelana ka maitemogelo le matshwenyego a bona le go fa dikakanyo ka maikemišetšo a go kaonafatša polokego ya setšhaba le go matlafatša boikarabelo bja Mmušo go dikgaruru tša go amana le digongwane.

Komiti e laletša batho gore ba fe dikakanyo le go ahlaahla merero yeo e akaretšago tše di latelago:

- a) Tšeo di hlolago dikgaruru tša go amana le digongwane le ditiro tša bosenyi bja seboka;
- b) Seabe seo dikgaruru tša go amana le digongwane se nago le sona metseng, malapeng, dikolong, dikgwebong, le go ditirelo tša tlhokomelo ya tša maphelo, le kgohlagano ya setšhaba;
- c) Ditlhohlo tša go amana le phethagatšo ya molao, bomenetša, bosenyi, bohlodi bja bosenyi, dinyakišišo, go golegwa, le boikarabelo bja toka ya tša bosenyi ka bophara;
- d) Maitekelo a polokego ya setšhaba, mananeo a thibelo ya dikgaruru, le tšhomišano magareng ga setšhaba le Mmušo;
- e) Seabe seo bogongwane bo nago le sona go bana, baswa, basadi, le maloko a setšhaba ao a lego kotsing; le
- f) Pholisi ya theramolao, diphetogo tša sehlongwa le tša go šoma tšeo di nyakegago go matlafatša thibelo ya bosenyi, polokego ya setšhaba le boikarabelo bja Mmušo go dikgaruru tša go amana le digongwane.

Ditaba ka botlalo tša Samiti

Letšatšikgwedi: 19 Agosetose 2026

Nako: 09:30 – 17:00

Lefelo: Palamenteng, Cape Town

Batho bao ba nago le kgahlego le mekgatlo ba hlohleletšwa go laetša maikemišetšo a bona a go tla Samiting, le gore moo go kgonegago, ba romele tshedimošo efe goba efe ya maleba, ditšhišinyo tša go ngwalwa, goba ditaba dife goba dife tšeo ba ratago go di hlagiša pele goba nakong ya Samiti. Le ge go le bjalo, boingwadišo pele, goba ditšhišinyo tša go ngwalwa, ga se dinyakwa tša botšeakarolo.

Go tla nyakega gore batšeakarolo bao ba tlogo Samiting ba ingwadiše ge ba goroga Palamenteng.

Ditshepetšo tša Samiti di buletšwe setšhaba le bobegaditaba, go ya ka melawana ya Palamente, gore lefelo le kgona go amogela batho ba bakae ka palo, le dikeleletšo tša tšhireletšego, gape le dinyakwa tša go dira ditshepetšo tšeo.

Ditshepetšo tša Samiti, gammogo le go tlo bolela ka molomo goba ditšhišinyo tša go ngwalwa tšeo di amogetšwego di ka rekhotwa gomme tša ngwalwa mabakeng a tekodišišo, pego ya Palamente le go fa dinyakišišo tša komiti tshedimošo, tšeo di utollotšwego, le dikeleletšo.

Ditšhišinyo di swanetše go amogelwa pele ga 16:00 ka Labohlano la **7 Agosetose 2026 (letšatši la mafelelo)**. Le kgopelwa go laetša kgahlego ya lena ya go tlo fa ditšhinyo ka molomo pele ga komiti

Dinyakišišo di ka lebišwa go Mdi B Mbengo at 0837098489. Ditšhišinyo di romelwe ka imeile go gangviolenceinquiry@parliament.gov.za goba etela weposaete ya Palamente go www.parliament.gov.za.

Taletšo e tla ka Mna. I Cameron, LP

Modulasetulo: Komiti ya Phothefolio ya Maphodisa